



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 67. Ludovici Ludovisii Cardinalis extrema.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

Sæc. XVII. A.C. 1632 diderit, dubium reliquit. Vera de eo fama fert, destinasse Cardinales, optasse Reges, ut Pontifex Maximus ipse renuntiaretur, si vitam ad proxima comitia protraxisset: ast æterna licet memoria dignus, anno ætatis suæ quinquagesimo primo nimis præmature decessit, sepultus in Ecclesia Carmelitarum Discalceatorum S. Mariæ de Victoria.

§. LXVII.

Ludovici Ludovisi Cardinalis extrema.

*Maracc. in
Purp. Ma-
rian. Cia-
con. in vita
Greg. XV.*

Non minus gratam nominis sui memoriam posteris reliquit Ludovicus Ludovisus patria Bononiensis, Gregorii XV. Nepos: Hic nequaquam sanguinis beneficio, sed potius meritorum suffragio juvenis adhuc sub eodem Pontifice Patruo suo quamplures dignitates Purpuramque brevi temporis intervallo assequabatur; ingenii enim felicitate literarum stadia præcipiti cursum emensus, miram honestatem, gravitatem, temperantiam, animi magnitudinem, & justitiam præfererebat, Vir nonnisi ad excelsa natus, heroicisque virtutibus maxime instructus. Erat etiam in pauperes oppido liberalis, erga omnes supra modum comis ac fr-

cilis, de augendo Dei cultu summo-
 pere sollicitus: Templum augustum
 Romæ S. Ignatio sacrum Regiis ferme
 sumptibus exstruxit, ibidemque Col-
 legium Hibernorum juvenum instituit,
 annuosque illi reditus assignavit. Tan-
 dem vero rebus præclare gestis Bonon-
 niæ nonnisi triginta septem annos na-
 tus, die decima octava Novembris de-
 cessit, sepultus in sua Metropolitana.
 Scripsit sermones plurimos Bononiensibus
 literis excusos.

Duobus nonnisi Cardinalibus hoc
 anno defunctis Urbanus VIII. Pontifex
 die vigesima Decembris unum dunta-
 xat Cardinalem Joannem Albertum Si-
 gismundi III. Polonorum Regis Filium
 post Patris sui mortem subrogabat.

§. LXVIII.

*Varia Urbani VIII. Pontificis Con-
stitutiones.*

Præterea Urbanus VIII. Pontifex pa-
 storalem suam sollicitudinem circa
 varia Ecclesiæ negotia extendit, edi-
 tisque Constitutionibus testatam reddi-
 dit, & primo quidem cum Mutius Vi-
 tellescus Societatis Præpositus, socios
 suos non raro sæcularia officia ac digni-
 tates ambire deprehenderet, summum
 Pontificem rogabat, ut votum, vi cu-
 jus

*Bull. magn.
Urb. VIII.
tom. 4.*